

M344: Augsburger Urkunden

- 1,1 Jch Hainrich von stauffen / thvon chvnt allen den die disen brief lesent
 1,2 horent od' sehent / daz h' Marguart von Laugingen kauft
 1,3 hat vmbe mich sogtan manlehen als ich hete an eime zaehenden ze Altheim
 d' min lehen was von dem Abte von Aelwangen
 1,4 vnde den d' her Hartman d' Baer von Laugingen von mir hete ze rehtem
 lehen / vnde han ich daz selbe lehen vf gesant minem
 1,5 h'ren von Aelwangen vnde han daz getan bi h'm Daegenharde vnde bi h'm
 Siboten von Gvndolzingen / mit sogtan' beschaidenheit /
 1,6 Chvmt ez dar zv daz her marguart des bedvrfen wil / daz er daz vor genante
 lehen von minem h'ren dem Abte von Aelwangen enphahen
 1,7 wil / so sol ich mit im da hin riten vnde sol z im vf geben vnde allez daz
 thvon des er d' zv bedarf . vnde sol er mich beleiten
 1,8 da hin vnde h' wid' / vnde sol mir die kost geben . vnde anders sol er mir
 cheinen schaden abe thvon . vnde sol auch des selben lehens
 1,9 sin reht' gewaer sin . Vnde swa ez im anspreche wurde in den ziln als ich ez
 im staeten sol nah des landes rehte / so sol ich ez im entloesen
 1,10 ane allen sinen schaden . vnde daz ez im also staete belibe vnde vnz'brochen
 / dar vmbe han ich im geben disen brief v'sigelt
 1,11 vnde gevestent mit h'n Hainriches Jnsigel von staufen mins brud' d' korh're
 ze Auspurch ist / wan ich selbe niht aigens
 1,12 Jnsigels hete . Vnde sint dar vb' geziuge h' Hainrich min brud' korh're von
 Auspurch / h' Vlrich min brud' von sant Vlriche .
 1,13 ze Auspurch . h' Hartman d' langemantel . Chvnrat sin brud' / Chvnrat d'
 stetschrib' vnde and' genvoge . Do daz geschach
 1,14 Vnd auh dirre brief geben wart do was von Gotes gebvrte Tusent iar / zwaj
 hvndert iar / in dem ahzigosten iare /
 1,15 an dem samztage vor sant Jacobs tage
- 2,1 Jn nomine dominj am- Jch Degenhart von Gvndolzingen vnde sibot min
 brud' wir thvon chvnt allen den die disen brief laesent
 2,2 hoerent od' sehent sogtan lehen vnde her Marqwart von Laugingen h'n
 Volkwins tohterman hete an den zaehenden
 2,3 ze Altheim von h'm Hainriche von Stauffen / daz sin lehen was von dem
 Abte von Aelwangen / daz er daz selbe lehen
 2,4 bi vns vf gesant hat vnserm h'ren dem Abte / Der hat vns daz selbe lehen
 geliehen ze rehtem lehen / Vnde habe wir
 2,5 danne h'm Marquarde d' da vor genant ist / Vnde h'm Hartmanne dem
 langenmantel / vnde sinen brvdern Hainriche

- 2,6 Vnde Chvnrade daz selbe lehen geliehen ze rehtem lehen mit einer lehens
hant . Vnde svln da mit thvon allez
- 2,7 daz / des er vns ermant / daz im nvtze vnde gvt ist / ez si iezv od' her nach
. Vnde haben im dar vmbe geben
- 2,8 disen brief beidiv in vnd den langenmaenteln / v'sigelt vnde gevestent mit
vnser vat' Jnsigel / wande wir
- 2,9 selbe J niht aigen' Jnsigel haben . Vnde sint des geziuge her Hainrich d' alte
von laugingen . B'htolt Mvenchlin .
- 2,10 Hainrich d' riht' . Vlrich d' bophing' . Marquart d' Gieng' vnde and' genve
. Do daz geschach Vnde auch dirre brief
- 2,11 geben wart / do was von Gotes gebvrte Tusent iar / zwaj hvndert iar / in
dem ahzigosten iare Jn d' wochen
- 2,12 Vor sant Jacobs tage
- 3,1 Jn nomine dominj am- . Jch Meinhart von bozen burger von Auspurch
thvon chvnt allen den die disen brief lesent horent od' saehent / daz ich
minen
- 3,2 Brottisch an dem Baerlaiche / den her Hainrich Wikman von mir hat /
geben han durh miner sele willen / Vnde durh Jacobs sele willen
- 3,3 Vnde siner mvter hin ce sant Margareten ze rehtem aigen / mit sogtaner
beschaidenheit / daz ich vnde min toht' Gerdrut den selben Brottisch
- 3,4 haben suln / die wile vnser iewederz laebt . Vnde swenne wir beidiv en sin
so sol d' Brottisch daz Chlost' ze sant Margareten ane
- 3,5 vallen mit d' beschaidenheit / daz si in nimm' ane suln waerden durh kainer
slahte not / wan daz er in dienen sol alle svnnetage vf irn
- 3,6 Tisch swaz er danne gelten mak / od' swaz er gildet . Taeten si dar vb' chein
aend'unge d' mit / swenne des daz Spital innan wurde oder
- 3,7 min Erben / so sol d' Brottisch des Spitals sin / Vnde sol dienen in die
siehstuben / in allem dem rehte als in in geschaffet vnde geben
- 3,8 han . Vnde sol auh man elliv Jar an sant peters tage funfzehen phenninge
d' von geben vf den Baerlauch . Vnde sol auh ich / Vnde min
- 3,9 tohter Gerdrut den frowen von sant Margareten geben elliv Jar einen
Maetzen saemelmelwes / ze nvtze Vnd ze gewer vnde ze rehter Cins gewer
.
- 3,10 Vnd daz den frowen von sant Margareten daz also staete belibe vnde
vnz'brochen dar vmbe han ich in geben disen brief / versigelt
- 3,11 vnde gefestent mit d' stet Jnsigel ze Auspurch Vnde mit d' frowen Jnsigel
von sant Margareten div beidiv dr an hangent .
- 3,12 Dur vb' sint geziuge h' Wolfhart von Rot . h' Margwart von Berigen
korherren von Auspurch . maist' Chvnrat des Bisschofes schrib' .
- 3,13 h' volkwyn d' alte . h' Sibot d' stolcehirz . h' Chunrat d' Vlntal' . h' Otte
d' hurloh' . B'htolt d' hurloh' . d' Junge Volkwyn . Chunrat d'
- 3,14 stetschrib' . vnde and' genve . Do daz geschach Vnde auh dirre brief geben
wart / do was von Gotes gebvrte / Tvsent Jar / zwej
- 3,15 hvndert Jar / in dem and'm Vnde ahzigosten Jare / an vnser frowen tage z
er Liehtmaesse

- 4,1 Jn nomine dominj am- . Jch H'man d' Raeme vnde min wirtin frow
 Haedewik wir thvn chvnt allen den disen brief laesent hoerent
 4,2 oder sachent / daz wir durh vnserre baider sele willen haben geben dem
 Spitale des hailigen Gaistes ze Auspurch / vnser Aigen da wir
 4,3 inne sin . daz . ettewenne was h'n Vlriches baumgarte des Hertschaiden ze
 rehtem aigen hvs vnde Hofstat / vnde bavmgarten / mit elliv
 4,4 div vnd d' zv hoeret ane daz hofstaetlin daz ettewenne was des Hailigen
 Cruces den haben wir daz wid' geben Vnde haben daz getan
 4,5 mit verdahtem mvte vnde mit gutem willen ze den ziten do wir z wol getvn
 mohten mit sogtaner beschaidenheit . swenne wir
 4,6 beidiv en sin so sol daz Aigen daz spitale lediklichen ane vallen . Vnde sol
 daz Spital danne von dem selben aigen gaeben den siechen
 4,7 in die siehstuben elliv Jar zwai phunt phenninge . Vnde suln in die geben
 ze vier ziten in dem Jare . alle Chotemper ein halp phvnt .
 4,8 Vnde swaz daz aigen mer giltet danne div zwai phunt / daz sol des Spitals
 sin . Vnde al die wile vnd daz daz Aigen in vnserre gewalt
 4,9 ist / al die wile svlen wir dem Spitale geben elliv Jar einen vierdunch wahses
 an vnserre frowen tage d' Liehtmaesse / ze
 4,10 nvtze vnde ze gewer vnde ze rehter Cins gewer . Vnde daz dem Spitale des
 hailigen gaistes / daz also staete belibe vnde vnzerbrochen
 4,11 dar vmbe haben wir im geben disen brief versigelt vnde gefestent mit d'
 Stet Jnsigel ze Auspurch daz dar an hanget .
 4,12 Vnde sint dar vb' geziuge her Volkwin d' alte . h' Sibot d' stolcehirz . her
 Liupolt d' alte schrot' . her Hainrich d' Minnaer . her
 4,13 B'htolt von sant Stephan . Chvnrat d' stetschrib' . Vlrich d' kramer . maist'
 vlrich d' waibel vnde and' genve . Do daz geschach
 4,14 vnde auh dirre brief geben wart / do was von Gotes gebvrte Tvsent Jar zwai
 hvndert Jar / in dem and'n vnde ahzigosten
 4,15 Jare / Jn d' naechsten wochen nah sant Jacobes tage .
- 5,1 Jn nomine dominj ameN . Wir Hartman von gotes genaden Bisschof von
 Auspurch thvn chvnt allen den die disen brief laesent hoerent
 5,2 oder sachent sogtan clage vnde vnser lieben burger von Auspurch vnd die
 stete gemainlichen vnd auh daz Lant hete hin ce H'manne vnserm
 5,3 Bruggehaien ze Waerrtahprugge daz er vnrehten zol naeme Daz wir dar zu
 gaben mit vnser Capitel rate h'n Sifriden von Algishvsen .
 5,4 hern Wolfharten von Rot vnde hern Marquart von Berien den Schvlmaist'
 vnde sazen die nider zv den burgern die von dem Rate
 5,5 dar zv geben wurden daz was her Volkwin d' alte . her Hainrich d'
 Schongaw' . her Chvnrat Reinbot vnde h' Chvnrat Notnagel vnde
 5,6 choemen die vbereine daz si d' brugge schrieben den zol der von alter her
 reht waere Vnde dar nach mit gemaine rate des Capitel vnde der
 5,7 Burger namen si dar zv bruder Eberharten den bruggehaien vnde mit des
 rate wan ez im von alter her chvnt was wart dirre brief gemachet
 5,8 Vnde geschriben als her nach geschriben stat Ein lastwagen mit ruhen
 hveten d' treit zwainzik vnd driv hvndert hvte oder mer der
 5,9 git ze zolle sachzehen phenninge Jst aber minnr dr uffte danne ein Last so
 git man ie von dem hvnderte funf phenninge Jst aber ir fvnfzik

- 5,10 da git man dri phenninge von . Swaz aber ir minnr ist danne ein halp
 hvndert da git man zwen phenninge von vnce an ein viertail . Minnr
 5,11 danne ein viertail git einen phenninch . Jst aber niwan ein einigiv hvt da
 div git einen helblinch . Ein karre mit ruhen hvten daz selbe als ez
 5,12 geziuhet mit rehter raitvnge . Von iegelicher gelaederten hvte einen
 helblinch die man en savms wis niht en fvret . Von eim ieglichen savme
 Truckens
 5,13 oder nazzes vf Rossen vf waegenn oder vf karren einen helblinch . ez si
 kurde wan od' ander gut . Fvret ab' ein man bereitschaft in sime gute
 5,14 der git niht da von man sage z dem zolner oder niht . Swaz wahses ist daz
 man bi dem saume niht vf gedinget hat von der wage einen phenninch .
 5,15 Von vnslide vnde von Smaerbe daz man bi dem Saume niht vf gedinget hat
 von iegelicher wage einen helblinch . Swaz man Hoeniges
 5,16 en saums wis her in fvret da git man von dem Saume einen helblinch . Ein
 wagen mit Hoenige zwen phenninge . Ein karre mit Hoenige einen
 5,17 phenninch . Jst aber niht wan ein Aimer da der git einen helblinch . Swaz
 ein man Linwaete treit der vber funfzik ellen ist der git da von einen
 5,18 helblinch . Minnr git niht . Ein wagen mit Linwaete zwen phenninge .
 Ein karre mit Linwaete einen phenninch er trage lutzel oder vil .
 5,19 Treit ein geladen karre Linwat wolle . Garn . Flahs . hvnr . chaese . oder
 Aier / oder mit swiv er geladen ist ane hvte vnde ane Saltz vnde
 5,20 ane win der git einen phenninch . Jst ez aber ein wagen der git zwen
 phenninge . Von zwainzik ellen grawes tuches die ein man treit
 5,21 vf sime Rugge . oder swaz er vf sime Rugge treit der git da von einen
 helblinch . Minnr danne zwainzik ellen git niht . Treit ein
 5,22 wagen oder ein karre einvaltige loden der git ied' lode einen helblinch .
 Treit ein wagen ysen vnde Loden der git zwen phenninge . Ein karre
 5,23 der ysen vnde loden treit einen phenninch . Ein wagen mit kupher vnde
 swaz mer da bi lit vier phenninge . Ein karre mit kupher vnde
 5,24 swaz da bi lit zwen phenninge . Zin vnde Bli daz selbe . Ein wagen d' zwai
 fuder wins treit zwen phenninge . Treit er minnr einen phenninch .
 5,25 Lit aber ander gut bi dem wine . so git d' win einen phenninch vnde d'
 savm einen helblinch . Ein karre wins mit drin Rossen oder
 5,26 mit zwain einen phenninch . Mit aime Rosse einen helblinch . Von maet
 vnde von biere daz selbe . Ein wagen mit Haeringe zwen phenninge .
 5,27 Ein karre mit haeringe einen phenninch . Jst aber niwan ein maise da div
 git einen helblinch . Ein wagen mit korne einen phenninch .
 5,28 Der karre einen helblinch . Ein wagen mit hew einen phenninch . Der
 karre einen helblinch . Ein fuder korns in den garben einen phenninch .
 5,29 Der karre einen helblinch . Ein wagen mit schauben einen phenninch .
 Der karre einen helblinch . Ein wagen mit Stro einen helblinch .
 5,30 Der karre einen helblinch . Ein bette der daz treit einen helblinch . Treit
 aber ein armez mensche vf sime Rugge einen bolster od' Chvssin
 5,31 daz git niht da von . Ein wagen der ein bette treit od' zwai da chorn od'
 hew . od' Stro vffe lit d' git doch von dem wagen niwan einen phenninch .
 5,32 Der karre einen helblinch . Ein fuder holtzes daz vaile ist eine stangen .
 Mine herren von dem Chore vnd die burger die holtz her in fvrent

- 5,33 mit ir aigenen waegenn die gebent niht da von . Ein fuder Raiffe einen
 helblinch . Swaz ein wagen holzes treit daz geviert ist ir si einz od'
 5,34 mer da git man von einen phenninch . Swaer zimberholtz hin vz furet ez
 sin flecken oder baume / der git von dem wagen einen phenninch .
 5,35 . Von dem backen karren mit gewande zwen phenninge . daz Ros daz Rint
 / der Ohse / der Esel / der ieglichez einen helblinch . Ein gemestez
 5,36 swin einen helblinch . zwai mitteriv swin einen helblinch . Vier klainiv
 einen helblinch . Tribet aber ein man niwan ein ainigez / der git
 5,37 auch einen helblinch . Von zaehen alten schafen einen phenninch . Von
 zwainzik lemben einen phenninch . Ein wagen mit lemben einen
 5,38 phenninch . Ein karre einen helblinch Ein ieglich bache einen helblinch
 nah genaden . Ein wagen mit Rindes puchen einen phenninch . Der
 5,39 karre einen helblinch . Jst aber niwan ein Rindes puch da der git einen
 helblinch . Ein wagen mit Chelbern einen phenninch . Der karre einen
 5,40 helblinch . Ein fuder saltzes einen helblinch . Dri schiben einen helblinch
 . Ein mulstain er si geworht od' vngeworht einen phenninch . Swie
 5,41 maniger leie dinch ein man treit vf sime Rugge der git von dem allen niwan
 einen helblinch . Daz Raef mit Glase oder mit kopphen
 5,42 einen helblinch . Der karre einen helblinch . Der wagen mit ziegel oder
 mit mvrsteinen oder mit kalcke den man verkauffen wil einen
 5,43 phenninch . Wil aber miner herren vo m Chore einer bowen / oder ein
 dienstman oder ein burger swaz der her in fvret dahziegel . SantStaine /
 5,44 oder swaz ze sinem bowe hoeret der sol da von niht geben . Swelh fvrer
 vber die brugge fvret vailen sant oder Staine der
 5,45 sol geben von zwainzig fudern einen phenninch . Swa aber ein man nimt
 sant od' fvllstaine / der sine brugge niht vert / d' ist im nihtes
 5,46 schuldik . Swaz mine herren von dem Chore oder die burger die ir Jarzol
 gebent vihes vf die waide Lant / die gebent da von nihtesniht .
 5,47 Die aber ir Jarzol niht gebent die gebent da von als da vor geschriben stat .
 Ein fuder kol einen phenninch . Der karre einen helblinch .
 5,48 Ein fuder Laubes einen phenninch . Ein fuder Lattvn einen phenninch .
 Ein fuder staecken einen phenninch . Ein karre d' iegliches einen helblinch
 .
 5,49 Ein Fuder obzes einen phenninch . Der karre einen helblinch . Ein
 Raef mit karten od' mit hophen einen helblinch . Ein wagen mit niwen
 chvmbustpuetigin
 5,50 vnde swaz da bi lit ane hvte vnde ane Sevme einen phenninch . Jst ab' niwan
 ein Buetingin da / daz git einen helblinch . Ein karre
 5,51 mit niwen chvmbustputigin einen helblinch . Ein fuder Saile einen
 phenninch . Der karre einen helblinch . Ein wagen mit krute einen
 phenninch .
 5,52 Der karre einen helblinch . Ein wagen mit Loe einen phenninch . Der
 karre einen helblinch . Ein fuder wannen einen phenninch . Der
 5,53 karre einen helblinch . Ein niwiv Chiste einen helblinch . Treit ab' ein
 wagen mer chisten danne eine der git einen phenninch . Der karre einen
 5,54 helblinch . Von hvndert schafvaellen si sin geworht oder vngeworht die man
 en saums wis niht en fvret zwen phenninge . Minnr danne ein hvndert

5,55 einen phenninch . Von hvndert kalpvaellen si sin geworht oder vngeworht
 einen phenninch . Minnr einen helblinch . Ein wagen mit Chaesborn
 5,56 einen phenninch . Der karre einen helblinch . Von Lampvaellen swaz vf
 einen savm geziuhet . einen helblinch . Minnr einen helblinch . Ein wagen
 5,57 mit grabvn brette einen phenninch . Der karre einen helblinch . Ein wagen
 mit haefenen od' mit kacheln einen phenninch . Der karre einen
 5,58 helblinch . Ein wagen mit Troegen oder mit Slegeln oder mit hacpretern
 einen phenninch . Der karre einen helblinch . Swaer mit vberlaesten
 5,59 an die brugge vert ane frage nimt der schaden / der schade ist sin . Fraget
 ab' er den bruggehaien vnde haizzet er in varn / missegat im danne / den
 5,60 schaden sol er im abe tvn . Z eime rehten laste sol div brugge alle waeg
 bereit sin . Swaz man her in floehent von betten von Chisten von gewande
 5,61 von Vihe . da en sol man chainen zol von gaeben weder vz noh in . Swaz
 ein man her in fvret daz ze einem male verzollet vnde vnferwendet
 5,62 ist / daz sol er niht mer verzollen . ob er ez wider vz furet . Furet aber ein
 burger sin gut vs der stat vf einen markt vnde verzollet daz z er brugge
 5,63 fvret er daz vnferkauft her wider in . so sol er chainen zol der von gaeben .
 Swaz man Vihes hin vz lat vf die waide daz man hin vz zollet / daz sol
 5,64 man her wider in niht zollen . Von vier zitik pocken einen phenninch .
 Minnr einen phenninch . Jst ab' ir niwan einer d' git einen helblinch ..
 5,65 Saehs gaizze einen phenninch . dri einen helblinch . Minnr einen helblinch
 . Ein wagen mit kramgewande der vf einen Jarmarkt vert zwen
 5,66 phenninge . Ein karre einen phenninch . Ein wagen mit vischen einen
 phenninch . Der karre einen helblinch . Ez en sol auch chain Sniter von
 5,67 chaime sime Lone daz er d uzze verdient hat chainen zol gaeben ez lige vf
 waegenn oder vf karren oder er trage z vf sime Rugge . Swaz ein
 5,68 armez mensche treit vf sime Rugge / ez si korn . Mael . oder klibe . daz git
 niht da von . Ein ieglich burger von sinem waelschen kaufschatze der
 5,69 ein kaufman ist / der sol geben von sinem waelschen kaufschatze vnde swaz
 er dar umbe her wider bringet / ein halp phunt phaeffers ze Jarzolle .
 5,70 Gat aber er mit anderm kaufschatze vmbe / swie maniger hande dinch daz
 ist der sol zollen als dar vor geschriben stat . Ist aber ein and' burger
 5,71 der gen Venedie niht vert vnde gen Franchriche vert der chorngulte hat
 vnde daz her in fveret / vnde Hew / oder swaz er her in fvret / der sol
 5,72 auch geben ein halp phunt phaeffers ze Jarzolle . vnde der korherre zwo
 Gense . vnde der flaisheckel zwai bain . vnde suln da mit ledik sin . Ez
 5,73 sol auch der bruggehaie machen brugge vnde staeg vber die Waertach vnde
 vber den Hoettenbach vber vnde vber . Verfvret aber iemen dem
 5,74 Bruggehaien sinen zol swa er vf daz gut chvmt da ist daz gut sin nah genaden
 . Vnde sol er im den zol gaeben den er im gaeben solte han .
 5,75 Vnde daz der zol als da vor geschriben stat hinnanfv also staete belibe wan
 er mit des Capitels rate vnde / auh mit der burger rate gesetzet
 5,76 ist als von alter her reht ist gewaes en vnde auch chain irresal waerde
 hinnanfv an dem selben zolle / noch chain zwifel vnde auch weder Herman
 5,77 der Bruggehaie noh chain sin nachchome hinnanfv chainen zol naeme wan
 als da vor geschriben stat / dar vmbe habe wir Bisschof
 5,78 Hartman mit vnsers Capitels rate disen brief vber die Brugge haizzen
 geschriben / versigelt vnde gefestent mit vnserm Jnsigel vnde

5,79 mit Vnsers Capitels Insigel . vnde mit der stet Insigel ze Auspurch div elliv
 dr an hanget . Vnde setzen auh daz . Swelh Bruggehaie
 5,80 daz brichet daz er niht en nimt den zol da vor geschriben stat / daz vns der
 schuldik ist ze buzze eins phvndes Auspurger phenninge .
 5,81 als dicke so er ez brichet . Do dirre brief geben wart / do was von Gotes
 geburte Tvsent Jar / zwai hvndert Jar / in dem andern vnde
 5,82 Ahzigosten Jare / in dem Manad Julio . Jn der naechsten wochen nah sant
 Jacobes tage .

6,1 Jn nomine dominj ameN Wir Hartman von Gotes genaden Bisschof von
 Auspurch thuon chvent allen den die disen brief lesent hoerent oder
 6,2 sahent sogtan clage vnde vnser lieben burger von Auspurch vnde die stet
 gemainlichen vnde auh daz lant hete hin ce H'manne vnserm Bruggehaien
 6,3 ze Waertahprugge daz er vnrehten zol naeme Daz wir dar zv gaben mit
 vnsers Capitels rate h'n Sifriden von Algishusen hern Wolfharten
 6,4 von Rot vnde hern Marquart von Berien den Schulmaister . vnde sazen
 die nider zu den burgern die von dem rate dar zv geben wurden
 6,5 daz was her Volkwin der alte . her Hainrich d' Schongawer her Chvnrat
 Reinbot . Vnde her Chvnrat Notnagel . vnde choemen die vberaine daz
 6,6 si d' brugge schrieben den zol der von alter her reht waere vnde dar nach
 mit gemaim Rate des Capitels vnde der burger namen si dar zv brud'
 6,7 Eberharten den bruggehaien vnde mit des rate wan ez im von alter her wol
 chvnt was wart dirre brief gemacht vnde geschrieben als her nah
 6,8 geschriben stat Ein lastwagen mit ruhen hutten der treit zwainzik vnde driv
 hundert hute od' mer der git ze zolle saehzehen phenninge .
 6,9 Jst aber minnr dr uffē danne ein Last so git man ie von dem hunderte funf
 phenninge . Jst aber ir funfzik da git man dri phenninge von . Swaz
 6,10 aber ir minnr ist danne ein halp hundert da git man zwen phenninge von
 vnce an ein viertail . Minnr danne ein viertail git einen phenninch .
 6,11 Jst ab' niwan einigiv hut da div git einen helblinch . Ein karre mit
 ruhen hvten daz selbe als ez geziuhet mit rehter raitvngē . Von ieglicher
 gelaederten
 6,12 hute einen helblinch die man en saums wis niht en furet . Von eime
 ieglichen saume truckens oder nazzes vf Rossen vf waegenn oder
 6,13 vf karren einen helblinch . ez si kurdewan od' ander gut . Furet ab' ein man
 bereitschaft in sime gute der git niht da von man sag ez dem zolner od'
 6,14 niht . Swaz wahses ist daz man bi dem saume niht vf gedinget hat von der
 wage einen phenninch . Von vnslide vnde von smerbe daz man bi
 6,15 dem saume niht vf gedinget hat von ieglicher wage einen helblinch . Swaz
 man Hoeniges en saums wis her in furet da git man von dem savme
 6,16 einen helblinch . Ein wagen mit Hoenige zwen phenninge . Ein karre mit
 Hoenige einen phenninch . Jst ab' niht wan ein Aimer da d' git
 6,17 einen helblinch . Swaz ein man Linwaete treit d' vber funfzik ellen ist der
 git da von einen helblinch . Minnr git niht . Ein wagen mit Linwaete
 6,18 zwen phenninge . Ein karre mit Linwaete einen phenninch er trage lutzel
 oder vil . Treit ein geladen karre Linwat Wolle Garn flahs hvenr
 6,19 Chaese oder Aier oder mit swiv er geladen ist ane hvte vnde ane Saltz vnde
 ane win der git einen phenninch Jst ez aber ein wagen der git

- 6,20 zwen phenninge Von zwainzik ellen grawes tuches die ein man treit vf sime
Rugge oder swaz er vf sime Rugge treit der git da von einen
6,21 helblinch . Minnr danne zwainzik ellen git niht . Treit ein wagen oder ein
karre einvaltige loden der git ied' lode einen helblinch . Treit ein
6,22 wagen ysen vnde loden der git zwen phenninge . Ein karre d' ysen vnde
loden treit einen phenninch . Ein wagen mit kupher vnde swaz mer da
6,23 bi lit vier phenninge . Ein karre mit kupher vnde swaz da bi lit zwen
phenninge zin vnde bli daz selbe . Ein wagen d' zwai fuder wins treit
6,24 zwen phenninge . Treit er minnr einen phenninch . Lit aber ander gut bi
dem wine so git der win einen phenninch vnd d' saum einen helbelinch .
6,25 Ein karre wins mit drin Rossen oder mit zwain einen phenninch . Mit aime
Rosse einen helblinch . Von Maet vnde von biere daz selbe
6,26 Ein wagen mit Haeringe zwen phenninge . Ein karre mit Haeringe einen
phenninch . Jst ab' niwan ein maise da div git einen helbelinch .
6,27 Ein wagen mit korne einen phenninch . Der karre einen helblinch . Ein
wagen mit hew einen phenninch . Der karre einen helblinch Ein
6,28 fuder korns in den garben einen phenninch . Der karre einen helblinch .
Ein wagen mit Schauben einen phenninch . Der karre einen helbelinch .
6,29 Ein wagen mit Stro einen helblinch . Der karre einen helblinch . Ein bette
d' daz treit einen helblinch . Treit ab' ein armez mensche vf
6,30 sime Rugge einen bolster od' ein kuessin daz git niht da von . Ein wagen
der ein bette treit oder zwai da korn oder hew od' stro uffe lit der
6,31 git niwan von dem wagen einen phenninch Der karre einen helblinch . Ein
fuder holzes daz vaile ist eine stangen . Mine herren von dem Chore
6,32 vnde die burger die holtz her in furent mit ir aigenn waegenn die gebent
niht da von . Ein fuder Raiffe einen helblinch . Swaz ein wagen
6,33 holzes treit daz geviert ist ir si einz oder mer da git man von einen
phenninch . Swaer zimberholtz hin vz furet ez sin flecken oder bavme
6,34 der git von dem wagen einen phenninch . Von dem backenkarren mit
gewande zwen phenninge . Daz Ros daz Rint / der Ohse / der Esel . der
6,35 ieglichez einen helblinch . Ein gemestez swin einen helblinch . Zwai
mitteriv swin einen helblinch . Vier klainiv einen helblinch . Tribet aber
ein
6,36 man niwan ein ainigez der git auch einen helblinch . Von zaehen alten
schafen einen phenninch . Von zwainzik lebern einen phenninch . Ein
wagen
6,37 mit lebern einen phenninch . Der karre einen helblinch . Ein ieglich
bache einen helblinch nah genaden . Ein wagen mit Rindes puchen
6,38 einen phenninch . Der karre einen helblinch . Jst ab' niwan ein Rindes
puch da d' git einen helblinch . Ein wagen mit Chelbern einen phenninch
.
6,39 Der karre einen helblinch Ein fuder Saltzes einen helblinch . Dri schiben
einen helblinch . Ein mvelstein er si geworht od' vngeworht einen
6,40 phenninch . Swie maniger leie dinch ein man treit vf sime Rugge d' git von
dem allem niwan einen helblinch . Daz Raef mit Glase oder mit
6,41 kopfen einen helblinch . Der karre einen helblinch . Der wagen mit ziegel
od' mit mversteinn oder mit kalcke den man verkauffen wil einen

- 6,42 phenninch . Wil ab' miner herren vo m Chore einer bowen oder ein
dienstman od' ein burger swaz d' her in fvret dahzigel Sant Staine oder
6,43 swaz zv sinem bowe hoeret / der sol da von niht geben . Swelh fvrer vb' die
brugge fvret vailen sant oder staine / der sol geben von zwainzik
6,44 fudern einen phenninch . Swa aber ein man nimt sant oder fullestaine der
sine brugge niht vert der ist im nihtes schuldik . Swaz
6,45 mine herren von dem Chore od' die burger die ir Jarzol gebent vihes vf die
waide lant die gebent da von nihtesniht . Die aber ir Jarzol
6,46 niht gebent die gebent da von als da vor geschriben stat . Ein fuder kol
einen phenninch . Der karre einen helblinch . Ein fuder Laubes einen
6,47 phenninch . Ein fuder lattvn einen phenninch . Ein fuder staecken einen
phenninch . Ein karre d' iegeliches einen helblinch . Ein fuder obzes einen
6,48 phenninch . Der karre einen helblinch . Ein Raef mit karten oder mit
hophen einen helblinch . Ein wagen mit niwen . Chvmbustputigin vnde
6,49 swaz da bi lit ane hvte vnde ane sevme einen phenninch . Jst aber niwan ein
Butigin da daz git einen helblinch . Ein karre mit niwen chvmbustputigin
6,50 einen helblinch . Ein fuder Saile einen phenninch . Der karre einen
helblinch . Ein wagen mit krute einen phenninch . Der karre
6,51 einen helblinch . Ein wagen mit Loe einen phenninch . Der karre einen
helblinch Ein fuder wannen einen phenninch . Der karre einen
6,52 helblinch . Ein niwiv Chiste einen helblinch . Treit ab' ein wagen mer
Chisten danne aine d' git einen phenninch Der karre einen helbelinch .
6,53 Von hvndert schafvaellen si sin geworht od' ungeworht die man en savms
wis niht en furet zwen phenninge . Minnr danne ein hvndert
6,54 einen phenninch . Von hundert kalpvaellen si sin geworht od' vngeworht
einen phenning Minnr einen helblinch Ein wagen mit kaesborn
6,55 einen phenninch . Der karre einen helblinch . von lampvaellen swaz vf
einen savm geziuhet einen helblinch Minnr einen helblinch
6,56 Ein wagen mit grabvn bretern einen phenninch . Der karre einen helblinch
. Ein wagen mit haefenn od' mit kacheln einen phenninch
6,57 Der karre einen helbelinch . Ein wagen mit Troegin od' mit Slegeln od'
mit hacpretern einen phenninch . Der karre einen helblinch
6,58 Swaer vberlaesten an die brugge vert ane frage / nimt d' schaden d' schade
ist sin . Fraget aber er den bruggehaien vnde haizzet er in
6,59 varn missegat im danne den schaden sol er im abe tvn . Z eime rehten laste
sol div brugge alle waege bereit sin swaz man her in floehent
6,60 von betten von Chisten von gewande von Vihe da en sol man chainen zol
von geben weder vz noh in . swaz ein man her in furet daz er ze einem
6,61 male verzollet vnde vnferwendet ist daz sol er niht mer verzollen ob er ez
wid' vz furet Furet ab' ein burger sin gut vz d' stat vf einen
6,62 markt vnde verzollet daz z er brugge / daz sol er niht mer verzollen ob er ez
vnferkauft her wid' in fvret . Swaz man an Vihes hin vz
6,63 Lat vf die waide daz man hin vz zollet / daz sol man her wider in niht zollen
. Von vier zitik poecken einen phenninch . Minnr einen phenninch .
6,64 Jst aber ir niwan einer der git einen helblinch . Saehs gaizze einen
phenninch . Dri einen helblinch . Minnr einen helblinch . Ein
6,65 wagen mit kramgewande d' vf einen Jarmarkt vert zwen phenninge . Der
karre einen phenninch . Ein wagen mit visschen einen phenninch .

- 6,66 Der karre einen helblinch . Ez en sol auch chain snieter von chaime sime
 Lone daz er d uzze verdient hat chainen zol geben / ez lige
 6,67 vf waegenn oder vf karren oder er trag ez vf sime Rugge swaz ein armez
 mensche treit vf sime Rugge ez si korn Mael od' klibe / daz git
 6,68 niht da von . Ein ieglich burger von sinem walschen kaufschatze d' ein
 kaufman ist d' sol geben von sinem walschen kaufschatze vnde swaz er
 6,69 dar vmbe her wid' bringet ein halp phunt phaeffers ze Jarzolle Gat ab' er
 mit and'm kaufschatze vmbe swie maniger hande dinch daz ist d' sol
 6,70 zollen als da vor geschriben stat . Jst ab' ein ander burger der gen Venedie
 niht vert vnde gen Frankriche vert der kornulte hat vnd daz her
 6,71 in furet vnde hew / od' swaz er her in furet der sol auh geben ein halp phunt
 phaeffers ze Jarzolle . Vnde der korherre zwo Gense vnde der
 6,72 flaisheckel zwai bain vnde suln da mit ledik sin . Ez sol auch der bruggehaie
 machen brugge vnde staege vber die Waertach vnde vber
 6,73 den Hottenbach vber vnde vber . Verfuret ab' iemen dem bruggehaien sinen
 zol . swa er vf daz gut chvmt da ist daz gut sin nach genaden
 6,74 Vnde sol er im den zol geben den er im geben solte han . Vnde daz d' zol
 als da vor geschriben stat hinnanfr also staete belibe . wan er mit
 6,75 des Capitels rate vnde auh mit d' burger rate gesetzet ist als von alter her
 reht ist gewaesen . Vnde auch chain irresal waerde hinnanfr
 6,76 an dem selben zolle noch chain zwifel . Vnde auch weder H'man d'
 Bruggehaie noch chain sin nachkome hinnanfr chainen zol naeme
 6,77 wan als da vor geschriben stat . dar vmbe habe wir Bisschof Hartmann
 mit vnsers Capitels rate disen brief vb' die brugge haizzen geschriben /
 6,78 versigelt vnde gefestent mit vnserm Jnsigel vnde mit vnsers Capitels Jnsigel
 . vnde mit d' Stet Jnsigel ze Auspurch div elliv
 6,79 dr an hangent . vnde setzen auh daz Swelh bruggehaie daz brichet daz er
 niht en nimt den zol als da vor geschriben stat / daz vns der
 6,80 schuldik ist ze buzze eins phuondes auspurger phenninge als dicke so er ez
 brichet . Do dirre brief geben wart do was von Gotis
 6,81 gebvrte Tusent Jar zwaj hvndert Jar / in dem and'n vnde Ahzigosten Jare /
 Jn dem Manad Julio in der naechsten wochen nah sant Jacobes tage .
- 7,1 Jn nomine dominj am- . Alle die die disen brief lesent . hoerent od' sehent
 die suln daz wizen / sogtan krieche als was zwischen den h'ren
 7,2 von sant Moricien vnde den Ratgeben vnd d' stet ze Auspurch / Vmbe den
 bw den die bvrger vf den kornmarkt gebwen
 7,3 hant / daz daz baidenthalp mit gutem willen vnde auh mit gutem rate
 gelazzen wart an hern Degenhart von haelenstain
 7,4 korh'ren von Auspurch vnde an h'n Hainrich den schongawer / vnde an h'n
 Volkwin den alten / vnde schieden die daz also
 7,5 daz d' bv den die burger getan hant / vf den kornmarkt / daz d' stan sol
 vnde beliben sol als si in gebwen hant / vnd daz si
 7,6 des geniezzen suln swaz si mygent / daz si des die h'ren von sant Moricin
 niht irren suln . Vnde suln auch die bvrger den Bv
 7,7 niht hoher rihten noh niht witer wan als er iezv ist . noch gen dem wagene
 niht fvr baz varn wan als daz Travf vallet .

- 7,8 Vnde also ez iezv gerihtet ist . Vnde sol auch mit ziegeln gedecket sin . Vnde
suln auh die burger an den selben bv chaine
7,9 want machen noch chain and' Sloz / wan als ez iezv stat / Da wider svln die
herren von sant Moricin brechen dvrh ir
7,10 Mvre niderhalp sant Seruacien kapeln gen d' Strazze / Gaedemer / vnce an
die Ekke gen dem Wagene / daz si des auch
7,11 niemen irren sol / sin svln sin geniezzen swaz si mvgen . Wolt ab' in daz
iemen wern / des suln si die burger schaermen
7,12 als verre si mvgen . Vnde suln auh si vzzerhalp der mvre niht bwen / noch
chainen gewalt haben wan eins schvhes
7,13 wit dvrh des vndern laden willen . Vnde swaz si bwent oben / ob si lihte
vber die Mvre griffen wolten / zwene schvhe
7,14 od' drj / daz sol in d' hohin sin daz man dr vnder geriten mvge vnde gan /
daz ez iht irre . Vnde swenne ez chvmt z em
7,15 Ostermarkte so sol man hvttten vf den kornmarkt / Vnde an die Mvre swa
man wil als div schranne geraichet mit
7,16 Tvchern vnde mit Blahen / daz daz niemen wern sol / ane fvr div Gaedem'
div die herren von sant Moricin dvrh die
7,17 Mvre braechent / da sol man si vor niht nimm' dvrh daz Jar . Vnde swaz in
den selben Gaedemern stat dvrh
7,18 daz Jar d' mak z em Ostermarkte dr inne vaile haben swaz er wil . gewant
vnde and' dinch . Vnde sol auh ir dekaeiner
7,19 ze d' selben zit chainen Gast dr inne lazzen stan . Vnde swaz die herren von
sant Moricin vor irn Gedemern des
7,20 Waeges beschveten wellent als si sin bedvrfent / des sol man si niht irren /
Si suln auch vor irn Gaedemern chainen
7,21 zvber setzen / noh niht des da mit si die strazze irren . Swaz aber si hinder
sich griffen wellent des sol man in wol
7,22 gvnnen . Vnde daz daz baidenthalp also staete belibe vnde vnz'brochen dar
vmbe hat man geben disen brief / versigelt
7,23 vnde gefestent mit vnsers herren Insigel Bisschof Hartmans von Auspurch
/ vnde mit des Capitels Insigel von
7,24 sant Moricin div baidiv dr an hangent . Vnde sint dar vb' geziuge . h'
Degenhart von helenstain korh're von vnsere
7,25 frowen . h' Berhtold d' Taegan von sant Moricin . h' Chvnrat d' Liuprist'
. her Vlrich d' Chvster . her Jacob . her Sibot
7,26 d' Chaelner . h' W'nher d' Schvlmaist' . her Berhtolt Grivzlin . her Vlrich
. her B'htolt . vnde her Chvnrat . korh'ren
7,27 von sant Moricin . her Berhtolt von Mulhusen d' Voget von Auspurch .
her Hainrich . h' Sibot . vnde her Johans die
7,28 drj schongaw' . her Sibot der Stolcehirz . her Vlrich fundan . maist'
Chvnrat von schoenekke . her Chvnrat Reinbot .
7,29 her Chvnrat d' Vntaler . her Herbort . her Hartman d' Langemantel . her
Otte der hurloh' . her Chvnrat d' Lange
7,30 her Chvnrat d' hurloh' . vnde and' genvge . Do daz geschach / Vnde auh
dirre brief geben wart / da waren von Gotes
7,31 gebvrte Tvsent Jar . zwai hvndert Jar / in dem and'n vnde ahzigosten Jare /
an sant Clementen tage .

8,1 Jn nomine dominj am- . Alle die die disen brief lesent horent od' sehent die
 suln daz wizen / daz h' vlrch FrovnEngeln toht'man v'kaufte h'n Chvnrat
 8,2 dem hafener einen halben garten mit sogtaner bescheidenheit / daz d' h'
 Chvnrat d' hafen' vf den selben halben garten wid' zvn / noch hvs bwen
 8,3 solte / noch decheinen bv dar vf tvon solte d' im ze schaden chomen mohte
 . Daz stvnt als lange / vnz d' h' Chvnrat d' hafen' dar fvr vnde wolte
 8,4 gezvnet haben den selben garten . Do des h' Vlrch innan wart / do fvr er
 fvr gerihte . vnde clagte hin ze dem hafen' daz er da zvnen wolte
 8,5 da er s niht tvn solte wande er ez mit gedingede im also geben hete / daz er
 wed' zvn noh hvs / da bwen solte / noh nihtes des / daz im
 8,6 ze schaden chomen mohte . Des laugent im d' hafener / daz er mit im also
 iht kauft hete . Dar vb' wart erteilt / daz d' hafen' bereite /
 8,7 daz er mit im also iht kauft hete / in beziugte danne h' Vlrch daz ez also
 waere . Da wolte h' Vlrch sins rehtes niht vmbe / vnde
 8,8 gerte eins tages vmbe sinen geziwk . Do d' tak chom do gie h' Vlrch Fvr /
 vnde erzivgte selbe dritte als reht was . daz er vf den
 8,9 selben garten chein den bv tvn solte d' im ze schaden chomen mohte als da
 vor geschriben stat / Vnde do er daz erzivgte / do gert er
 8,10 vrteil wande die lvte totlich waeren vnde auh vergaezzen / man solte im wol
 d' Stet brief dar vb' geben . Daz wart im erteilt mit
 8,11 gesament' vrteil . Vnde da von daz zwischen in chein krieche mer gewahsen
 mvge vmbe die sache / Dar vmbe wart geben dirre
 8,12 brief v'sigelt mit d' Stet Jnsigel ze Auspurk daz dar an hanget . Vnde sint
 des geziuge h' Volkwin . h' Sibot d' Stolzhirz . her
 8,13 Vlrch Fundan . h' Livpolt d' Schrot' her Livpolt d' Stolzhirz . her Chvnrat
 Reinbot . Meist' Chvnrat von Schoenegge . her
 8,14 chvnrat notkauf . her Chvnrat d' bart / Vnde and' genvge . Do daz geschach
 Vnde auh dirre brief geben wart / do was von
 8,15 Gotes geburte . Tusent iar . zwej hvndert iar . in dem Nivn vnde
 Sibenzigosten iare / an dem svnnetage vor dem balmtage .

9,1 Jn nomine domini am- . Jch Hainrich der Schongaw' burger von Avspurch
 thvon chvnt allen den die disen brief lesent hoerent
 9,2 oder sehent / sogtan aigenschaft vnde ich hete an dem Hofe da ce
 Holtzhvsn / da maier Niwechomen vffe gesaezzen ist / Vnde
 9,3 an der Holtzmark die ich da han / div baidiv min reht aigen waren / vnde
 avh miner wirtin frovn Angnesen morgengabe waren
 9,4 daz ich div baidiv verkauft han / mit miner wirtinne willen frovn Angnesen
 vnde mit ir worte . Vnde han si geben Johanse minem
 9,5 brud' vnde sinen Erben vmbe fvnf vnd drizzik phvnt Auspurk' phenninge /
 in allem dem rehte als ich si her braht han / mit
 9,6 Nvtze vnde mit gewer / in rehter aigenschefte /. Vnde sol auch d' selben
 zwaier Gvte sin rehter gewaer sin . also / daz si im vnde
 9,7 sinen Erben gestaetet waerden nah des Landes rehte . Dar zv vergiehe ich
 / Angnes hern Hainriches wirtin des Schongawers / daz
 9,8 ich den vor genanten hof / vnde auh die Holtzmark / han vf geben vor
 biderben lvten / vnde han des gesworn ze n hailigen / daz

- 9,9 ich die selben morgengabe nimmer an gesprechen sol . wan ich ir mich
verziegen han nah dirre Stet rehte / vf Johansen
9,10 minen geswien vnde vf sin Erben . Vnde daz Johansen vnde sinen Erben
daz also staete belibe vnde vnz'brochen / dar vmbe
9,11 han ich im geben disen brief / versigelt vnde gefestent mit minem Jnsigel
vnde mit d' Stet Jnsigel ze Auspurch div baidiv
9,12 dr an hangent . Dar vb' sint geziuge . her Sibot d' Stolcehirz . Sibot min
brud' . Vlrich fundan . Sebastian . Hainrich Jlletis .
9,13 Sibot d' Jvnge stolcehirz . Chvnrat Ortwin . Vlrich von Geggingen . vnde
ander genvoge . Do daz geschach vnde auh dirre
9,14 brief geben wart / do waren von Gotes gebvrte Tvsent Jar / zwai hvndert
Jar / Jn dem fvnften vnde Ahzigosten Jare:
9,15 an vnserr frawen abende ze r Lichtmesse .